

Te Reo Matatini (Reo Torohū)

Te Tautuhinga Aromatawai ā-Waho 2025



Te Paerewa Paetae	32413
Te Ingoa o te Paerewa Paetae	Ka mārama, ka tautohu i ngā whakaaro matua o tētahi reo ā-waha, o tētahi reo ā-tā hoki
Ngā whiwhinga	E 5
Te Marau	Te Marautanga o Aotearoa: Te Reo Matatini
Te Wāhanga Ako	Tukutuku Ako
Te Tukanga Aromatawai ā-Waho	He Tūmahi Aromatawai Pātahi
Ngā Rā Aromatawai ā-Waho	Te Wāhanga 2: Te 19–30 o Mei, 2025 Te Wāhanga 3: Te 25 o Akuhata–5 o Hepetema, 2025
Te Roa o te Aromatawai ā-Waho	90 meneti
Te Wātaka Aromatawai ā-Waho	Examination timetable and assessment dates 2025

Te Tūmahi Aromatawai Pātahi (TAPā)

He aromatawai ā-waho te Tūmahi Aromatawai Pātahi (TAPā), ka whakaritea ōna tūmahi, ka mākahia hoki ngā urupare a te ākonga e Te Mana Tohu Mātauranga o Aotearoa (NZQA).

Te Whakahaere TAPā i te Kura

Ka whakahaerehia te TAPā e te kura, i te kura, waihoki e te whare paetoru, i te whare paetoru rānei i waenganui i 'Ngā Rā Aromatawai'.

Mā Te Mana Tohu Mātauranga o Aotearoa te taupānga rorohiko e whakatuwhera, e aukati hoki i ia rā o 'Ngā Rā Aromatawai'.

Ka whiriwhiria tētahi/ētahi o ngā rā aromatawai e tū ai te TAPā i te Wāhanga 2 rānei, i te Wāhanga 3 rānei. Ko ēnei ngā rā i tohua mai e te kura i te rēhitatanga o ngā ākonga ki te Paerewa nei.

Hei waenga i te 8.30 i te ata me te 5.30 i te ahiahi ka whakawāteahia te taupānga rorohiko (te Assessment Master) e whakaoti ai ngā ākonga i te TAPā.

Ka āta whakaritea tētahi/ētahi wāhi motuhake (he rūma nui, he akomanga) me ngā rauemi; kaiwhakarato ipurangi, he rorohiko, he pokitaringa, he tēpu, he tūru, he pepa ōhio manomano, he pene hoki.

Ka āhua 90 meneti te roa o te TAPā, kei te ākonga ngā haora katoa o taua rā i whiriwhiria hei whakaoti TAPā māna. Heoi, me whakaoti te ākonga i te TAPā i taua rā tonu, i mua i te aukatinga o te taupānga rorohiko.

Te Whakatakotoranga Aromatawai

He Tūmahi Aromatawai e ārahi ana i te ākongā ki te whakatutuki i te whānuitanga o ngā Paearu Mahi me ngā Putanga Ako. Mā konei e puta ai te ihu o te ākongā i tēnei Paerewa.

Kia mau te ākongā ki te ia o te kōrero, ā, kia tautohua ngā pārongo matua.

E rua ngā wāhanga o tēnei TAPā:

1. Te Wāhanga Tuatahi: Te Tūmahi Whakarongo
2. Te Wāhanga Tuarua: Te Tūmahi Pānui

Te Tūmahi Whakarongo

Ka whakarongo te ākongā ki tētahi/ētahi kaponga reo, ka mātaki, ka whakarongo rānei ki tētahi/ētahi whakaaturanga.

E toru ngā wā e āhei ana te ākongā ki te whakarongo ki te oro whakarongo, ki te mātakitaki rānei i te kiriata.

Ko tā te ākongā he whakautu i ngā pātai, he tīpako i te whakautu e tika ana, he tautohu i ngā kupu, i ngā kōrero me ngā whakaaro matua e hāngai ana ki te horopaki, he whakarite urupare rānei mā te āta whakapuaki i ōna ake whakaaro ki te kaupapa.

Te Tūmahi Pānui

Ka pānui te ākongā i tēta/ētahi tuhinga kōrero.

Ko tā te ākongā he whakautu i ngā pātai, he tīpako i te whakautu e tika ana, he whakarite urupare rānei mā te āta whakapuaki i ōna ake whakaaro ki te kaupapa.

Ngā Herenga Aromatawai

Me whakaoti te ākongā i tēnei TAPā ki mua i te aroaro o te kaiako, ā, me whai hoki ngā ture o te aromatawai ā-waho:

- I te wā o te aromatawai ā-waho, me aro anake ngā ākongā ki ngā rauemi kua whakaaetia mō te aromatawai ā-waho.
- Kāore e whakaaetia ana te kawē tuhinga kē, te kawē rauemi tautoko kē rānei ki roto i te rūma aromatawai ā-waho.
- Ka 90 meneti noa te roa ki te ākongā hei whakaoti i tēnei TAPā.
- Mō te tūpono ka raru te ipurangi, ka tukua hoki he kape ā-pepa.

[About digital external assessment :: NZQA](#)